



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-013-2/25**

Datum: **22.01.2025. godine**

«Agencija za vodno područje rijeke Save» Sarajevo rješavajući po zahtjevu Samostalnog poljoprivrednika Bliznović Armine, Tršće-Kakanj za donošenje Rješenja o vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta štale za muzne krave u naselju Tršće, općina Kakanj, na osnovu člana 139. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Samostalnom poljoprivredniku Bliznović Armini, Tršće-Kakanj daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta štale za muzne krave kapaciteta 20 muznih krava, koji se planira graditi u naselju Tršće, na zemljištu označenom kao k.č. broj: 294 K.O. Tršće, općina Kakanj, a na osnovu projektne dokumentacije:
 - Glavni projekat vanjskih hidroinstalacija, štala za muzne krave - do 20 komada, Kakanj, Tršće, urađen od «PERSPEKTIVA-inženjering» d.o.o. Visoko, šifra: 143.AM.PER.XII/24, decembar 2024. godine (revidovan od «ZAVOD ZA VODOPRIVREDU» d.d. Sarajevo, decembar 2024. godine).

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Radove na izgradnji sistema za prikupljanje, odvodnju i zbrinjavanje otpadnih voda nastalih u postupku pranja i čišćenja objekta za uzgoj, kao i objekta za zbrinjavanje đubriva, izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Nakon izvođenja radova na sistemu prikupljanja, odvodnje otpadnih voda, objekata za zbrinjavanje tečnog i krutog otpada (stajnjaka) sa lokacije farme muznih krava, saobraćajnih i pripadajućih manipulativnih površina, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 3.3. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 3.4. Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.5. Podnosilac zahtjeva je obavezan ispoštovati uslove iz Urbanističko-tehničkih uslova broj: 04/1-19-3083/24 od 06.12.2024. godine izdatih od Službe za privredu, urbanizam i zaštitu okoline Općine Kakanj.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.

6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19, 41/20 i 63/22).
7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Samostalni poljoprivrednik Bliznović Armina, Tršće-Kakanj, svojim zahtjevom, zaprimljenim 10.01.2025. godine, zatražila je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta štale za muzne krave kapaciteta 20 muznih krava, koji se planira graditi u naselju Tršće, 294 K.O. Tršće, općina Kakanj, a u postupku pribavljanja odobrenja za građenje/urbanističke saglasnosti.

U provedenom postupku dostavljena je i pregledana sljedeća dokumentacija:

- Ovjerena kopija lične karte Investitora,
- Ovjerena kopija Odobrenja za obavljanje srodne djelatnosti broj: 04/1-24-4697/18 od 16.11.2018. godine izdatog od Službe za privredu, urbanizam i zaštitu okoline Općine Kakanj,
- Ovjerena kopija Uvjerenja o registraciji poreznog obveznika izdatog od Porezne uprave Federacije BiH -Kantonalni porezni ured Zenica od 05.12.2018.,
- Dokaz o uplaćenju upravnoj taksi,
- Kopija Urbanističko-tehničkih uslova za izgradnju gospodarskog objekta – štala za smještaj 20 grla muznih krava u naselju Tršće, općina Kakanj broj: 04/1-19-3083/24 od 06.12.2024. godine izdatih od Službe za privredu, urbanizam i zaštitu okoline Općine Kakanj.,
- Kopija Rješenja o prethodnoj vodnoj saglasnosti broj: UP-1/21-1-40-511-4/24 od 04.11.2024. godine izdatog od «Agencije za vodno područje rijeke Save» Sarajevo,
- Glavni projekat vanjskih hidroinstalacija, štala za muzne krave-do 20 komada, Kakanj, Tršće, urađen od «PERSPEKTIVA-inženjering» d.o.o. Visoko, šifra: 143.AM.PER.XII/24, decembar 2024. godine (na uvid i ovjeru),
- Konačni izvještaj o izvršenoj reviziji projektne dokumentacije, urađen od «ZAVOD ZA VODOPRIVREDU» d.d. Sarajevo, decembar 2024. godine (na uvid).

Nakon uvida u dostavljenu dokumentaciju konstatovano je sljedeće:

- Štala za muzne krave se planira graditi u naselju Tršće, općina Kakanj. Parcela na kojoj je planiran objekat se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Objekat je kapaciteta 20 grla i zatvorenog je tipa.
- Tehnološke otpadne vode koje nastaju u procesu povremenog pranja objekta će se prikupljati sistemom slivnika i kanalizacione mreže i odvoditi u vodonepropusnu sabirnu/osočnu jamu bez ispusta.
- Za privremeni smještaj đubriva je predviđena đubrišna jama sa osočnom jamom.
- Prerada mlijeka i pranje opreme će se vršiti u stambenom već postojećem objektu.
- Predviđeno je da se snabdijevanje vodom obezbijedi putem priključka na mjesni vodovod.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdate Urbanističko-tehničke uslove propisala Služba za privredu, urbanizam i zaštitu okoline Općine Kakanj. Urbanističko-tehnički uslovi služe za pribavljanje vodne saglasnosti, s obzirom da je predmet postupka gospodarski objekat koji spada u građevine za obavljanje isključivo poljoprivredne djelatnosti čija građevinska bruto razvijena površina nije veća od 400 m², za koje nije potrebno odobrenje za građenje, shodno odredbama člana 114. Zakona o prostornom uređenju i građenju («Službene novine ZE-DO kantona», broj 17/23).

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-511-4/24 od 04.11.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat vanjskih hidroinstalacija, štala za muzne krave-do 20 komada, Kakanj, Tršće, urađen od «PERSPEKTIVA-inženjering» d.o.o. Visoko, šifra: 143.AM.PER.XII/24, decembar 2024. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Prilog:

- Ovjerena projektna dokumentacija: Glavni projekat vanjskih hidroinstalacija, štala za muzne krave-do 20 komada, Kakanj, Tršće, urađen od «PERSPEKTIVA-inženjering» d.o.o. Visoko, šifra: 143.AM.PER.XII/24, decembar 2024. godine
- Konačni izvještaj o izvršenoj reviziji projektne dokumentacije, urađen od «ZAVOD ZA VODOPRIVREDU» d.d. Sarajevo, decembar 2024. godine

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- Samostalni poljoprivrednik Bliznović Armina, Tršće 69, 72240 Kakanj (prilog)
- Ⓢ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava